

قصة قصيرة

هواجس ريم

تحت إشراف: أحمد شعله

قصة قصيرة

هواجس ريم

'ماذا لو تحدث ما بداخلنا وغير عما نشعر به
ماذا لو كنا نستطيع اليوم بكل ما هو
مكون بداخلنا'

الكتاب

إيمان سمير
رضوى حسن
تقى حمدي
ندا شريف
سارة عبد المنعم
بسنت محروس
هايدي جمال
سلمى السيد

مجموعة مؤلفين

أنا ريم أبلغ من العمر ١٤ عام، اجتماعية جدا، أو كنت كذلك، دائما ما أشعر إنني لا أعطي للمواقف حقها؛ هناك شيء ينقصني؛ ويقال دائما أن مشاعري تتحكم بي، وهذا ليس حقيقي، أريد أن أعيد كل موقف وأعطيه حقه، من حيث التصرف والإحساس أريد أن أعود لحياتي الطبيعية التي منذ تركتها لم أكون أي صدقات، ماعدا سيف.

ناد الاب ابنته القابعة بغرفتها طيلة الوقت كأنه كهف، محاولا منه أخرجها من وحدتها التي ألفتها: ريم تعالي، كفاية قعدة لوحديك، هخرج حصليني برا.
ريم بتردد: بس يا بابا أنا مش عايزة أخرج، أنا هقعد أستناك هنا لحد ما ترجع، ينفع؟

الأب: لا، أخرجي عايذك.

خرجت من غرفتها، فوجدته ينتظرها في الصالة، فجلست بجواره منتظرة أن تعرف ما يريد قوله لتعود لغرفتها تحدث بلين ورتب على كتفها؛

وقام بنصحها: قعدتك لوحديك غلط عليك، احكلي يومك كان ماشي ازاي .

ريم: لا يا بابا مش وحشه خالص أنا قاعدة مستمتع بيومي كده، أنا يومي لما بخرج بروح الجامعة و معنديش اي حد أقعد معاه، بفضل قاعدة لوحدي محدش

بيكلمني؛ و بعد كده أرجع هنا ، أول ما أدخل بحس إني بقيت فى أمان بعيد عن الناس و دوشتهم العالم بره مش حلو يا بابا .

الأب: وليه مش مصاحبه بنات من سنك؟ يا بنتي كده تتعبي، لازم تختلطي بالعالم الخارجي، قوليلي بتحسي بايه لما بتتعلمي مع الناس برا؟

ريم: عشان وحشين يا بابا محدش فيهم بيتمنى الخير للتاني، كل واحدة عايزة مصلحتها بس، أنا أول ما بتعامل ما حد فيهم بحس بخوف؛ خايفة لأكون فى يوم من الأيام زيهم، بحس إني ضعيفة قوي قدام مكرهم ونفاقهم بابا لو سمحت أنا مش حابه العالم ده.

الأب بعقلانية: مش كل الناس نفس الطباع والبيئة، أنت مثلا شخص كويس وف حاله، هل كل الناس زيك؟ أكيد لا إتعلمي تفرقي بين الناس وطباعهم، وعندى مفاجئة حلوة ليك .

ريم بفرحه: بجد طب قول ايه هى المفاجأة الأول .

الأب: هنروح مصيف كام يوم نغير جو، والعيلة كلها جاية هنتبسطي اهو مش غرب .

ريم : أنا فرحانه و كل حاجة، بس أنا مش بحب أخرج من البيت، أنا عايزة مفاجأة جوا البيت مش برا .

الأب: أنت جاية يعني جاية، قومي حضري شنطتك، أنا تعبت معاك .

قام وتركها عاد لغرفته يزفر غضبا من أفعال إبنته الوحيدة.

بدأ شعور الحزن بظهور تدريجياً حتى اكتمل و بدأ محادثته مع ريم.

الحزن: وجودك فى البيت هو الأحسن ليك يا ريم، العالم برا مخيف قوي، خليكي فى اوضتك، إقرأى كتبك و أشربى قهوتك، و متخرجيش برا، كلهم عايزين يخلصوا عليك، عايزين أول ما يشوفوك يقعدوا يتنمروا عليك، و طول الرحلة هتبقى إنت بس اللي عمالين يضحكوا عليها، لو خرجت من هنا هترجعي ندمانه؛ اوعى تروحي فى حته.

ريم: بس بابا زعلان مني و ممكن يتعب بسببى .

الحزن: ولما تسمعي كلامه وترجعي ندمانه هتستفيدي ايه؟

ريم: طب بما إن أنا فى الحالتين هخسر، فأنا عايزة أخسر بس بابا يكون معايا و مش زعلان مني .

الحزن: خلاص أنا عملت اللي عليا روعي وأياك تيجي تعطي بعد ما يحصل.

ريم بقوة مزيفة: حتى لو عيظت بابا أهم مني و من دموعي .

هنا تدخل الغضب: روي ديما يخلوكي عملي حاجات مش عايزها، أنت مستحمله
 كده ازاي؟

ريم بتعب: عشان أنا بحب بابا، بحبه أكثر من نفسي و من اي حاجة تانية، لما
 بيفرح بحس إني طايرة؛ و لما يزعل بحس إني نزلت لسابع أرض و ضهرى
 إتكسر .

الغضب ساخرا منها: روي لمي شنطتك يلا بسرعة.

ريم بقوة: هروح ألمها و هستمتع بوقتي هناك كمان هتشوفوا انكوا غلط، و إن
 بابا صح، زي ما هو ديما صح .

ضحك الغضب بغيظ: أراهنك هتندمي، إنت مش إجتماعية اساسا وريني هتعملها
 ازاي.

ريم بانهايار: بس بقي كفاية كفاية بجد أنا تعبت، مبقتش عارفة أرضي مين و
 أسيب مين؛ أرضي بابا و ماما ولا أرضي نفسي و لا أرضي الناس، كفاية أنا أنت
 هنام، ايوه هنام و ماما هي ال هتجهز الشنطة، أنا عايزة أهرب من العالم ده اروح
 لعالمي التانى اللي فيه كل حاجة زي ما أنا بحبها بالظبط.

جلس الاب يحاصره الندم، فهو يعرف كم ابنته حساسة ورقيقة، كيف صرخ بوجهها دون مراعاة لمشاعرها تنهد بألم وهمس: غصب عني، أسيبها تضيع نفسها وأقف أتفرج، بكرا تعرف ان اللي بعمله لمصلحتها.

أتي صوت والدتها وهي ترتب على كتفه: عارفة إنك مضايق من اللي عملته، حتي أنا كمان مضايقة بس مكنش ينفع برديو نسيبها لنفسها بالشكل دا لأزم نحاول معاها لأن اللي بتعمله دا غلط عليها.

الاب: ما أنت عارفة بنتك عنيدة وبسببك وصلت للحالة دي، قفله عليها من هي صغيرة، مفيش لعب في الشارع، متصاحبيش حد ف المدرسة؛ وأتفضلي بقت مريضة نفسية.

ظل يصرخ بوجهها ثم صمت مرة واحدة ينظر لها بلوم وعتاب، في ذلك الوقت تذكرت كيف كانت تعامل ريم بطفولتها.

وقالت بعصبيه و حزن: أنت عارف ليه انت كنت بعمل كدا، و عارف سبب خوفي عليها مش كل مرة تحط اللوم عليا.

فلاش باك.....

عاد شريط حياتها أمامها كأنه حدث أمس، وأخذت تتذكر كل شئ فات، وقتها كنت لسة حامل في ريم لما الدكتوراة عرفتني إن صعب أخلف تاني بعد البيبي اللي في بطني؛ بسبب مشكلة في الرحم فضلت خايفه إن البيبي يحصله حاجة، بس الحمد لله وصل الدنيا بخير ومن وقتها قررت إنني أحميها من كل حاجة، ماتنزليش، ما تروحيش مع دي ما تكلميش دي ، لا بلاش تعمل كدا، كل حاجة لا لا، كنت بشوفها بتكبر قدام عيني كل يوم ، كنت بقول لنفسي إن خوفي دا هيقبل مع الوقت بس للأسف كان كل ما ريم تكبر كان خوفي عليها بيكبر معها.

الوقت الحاضر

الأم: بدموع ايوه عارفة إنني السبب بس لو اي حد مكاني كان عمل كده وأكثر. هي بنتي وهفضل أخاف عليها، بس أنت كمان السبب في اللي هي فيه عارف ليه؟ لأن عمرك ما جيت مرة قولتلي إن اللي بعمله دا غلط .

الأب بلين: بلاش نتكلم ف اللي فات خلينا نعالج الحالي، هوني على نفسك،

قومي شوفيها خلصت ولا لا .

دخلت الأم على إبنتها وجدتها تبكي فأقتربت منها وجلست بجوارها

وقالت بحنان: بتعيطي ليه يا رورو؟ إنت عارفة ابوك بيحبك.

ريم: ماما أنا قلبي وجعني قوي، محتارة قوي مش عارفة أرضى مين و لا اسيب مين.

الأم: الصح إن ترضي نفسك ونفسك ليها عليك حق، ربنا هيسألك يوم القيامة عن نفسك اللي حبسها ف اوضه دي كأنها قطة خايفة تهرب إنت جميلة، وطيبة، عيشي سنك اخرجي صاحبي بنات .

ريم ببكاء: ومش هيسألني عن بابا لما يتعب بسببي؟ مش هيسألني عن الناس الي بيحبوني و بيتعبوا بسبب بعدي عنهم؟ ازاي يا ماما بعد ما قعدت ٢٢ سنة بتمنعيني من الخروج؛ جاية دلوقتي ببساطة عايزاني أخرج بعد ما حببت وحدتي، ليه ديما لما بحب حاجة انتم على طول تخدوها مني ليه؟ يا ماما لازم أكون أنا المظلومة.

الأم بمواساة: أنا كنت غلط، كنت فاكرة ان كده بحميك وطلعت بضرك ساعدينا نخرجك من ده ونعوضك خير، مش نفسك تبقي وسطنا ونقعد نتكلم سوا وبنبت خالتك نادين كنت بتحبي تلعبى معها اهي طالعة الرحلة .

ريم: نفسى يا ماما بس لما بقعد معاكم بابا بيتعب بسببي و إنت بتعيطى عشان زعلى، ماما أنا سبب حزن كبير ليكوا عشان كده بقولك لا يا ماما المره دي لا أنا خلاص حابة كده يا ماما مش عايزه اتغير، حتى نادين أتغيرت قوي يا ماما مبقتش زي زمان.

الأم: بابا زعلان عشانك مش منك تفرق، فرحيه انت واختلطي معانا ومع الناس،
 إنت اللي سكته مش بتتكلمي، يا مسكة الموبايل طول الوقت إفتحي معاه كلام
 هيتكلم.

ريم بإنهيار: كفاية بقي أرجوكم حسوا بيا شوية، أنا مش عايزة اتغير، للأسف يا
 ماما مش كل اللي بنتمناه بناخده.

الأم ثارت بسبب طريقته إبنتها: مش بمزاجك خلاص كلمتي تسمع، لمي شنطنتك
 وخمس دقائق تكوني جهزتي، وعلى فكرة ال احنا عايزينه بناخده بس بالإجتهد
 مش بالتليفون.

ريم بقوة: خلاص يا ماما اداام انتو شايفين كده خلاص حاضر يا ماما .

الأم قبلت رأسها: حبيبته ماما، وتعالى عشان أوريك جبتك ايه .

ريم بقسوة: شكراً أنا عايزة أحضر الشنطة عشان أنام .

دمعت عين الأم: براحتك أنا هخرج .

وقبل أن تخطو خطوة للخارج، أوقفها صوت ريم: عايزاك تعرفي حاجة واحدة،
إني أكثر أنسانه ديما تستسلم عشان الناس اللي بتحبهم، مجتش بقى على ثقتي
فى نفسى و أستسلم فيها برضوا ولا ايه؟

الأم بعصبية: اعملي حسابك بعد ما نرجع من المصيف هتروحي دكتور نفسي
وضعك مبقاش يسكت عليه، حضري الشنطة ونامي هنتحرك الصبح ومفيش موبايل
هنااالك .

ريم: اللي إنت عايزاه، مبقتش فارقة كثير سواء كنت عايزة أخده أو لا .

خرجت الام من غرفتها تتأفف لحال إبنتهم وعنادها الشديد وتركتها تتحدث مع
نفسها للمرة الألف، لكن هذه المرة يبدوا أنها نوت أن تتظاهر إنها تغيرت بعد
سماع تهديد والدتها بالذهاب لطبيب نفسي.

ريم: شكلى فعلا مريضة نفسية زى ما بيقولوا عليا، أنا مجنونة وهما مش عايزني خلاص، كملت ببكاء طب لما هما مش عايزنى مين هيبقى عايزني؟ يارب أنا والله تعبت و قلبي واجعني قوي و عايزاك تساعدني يا رب الهمنى الصواب.

في ذلك الوقت، إتصل سيف صديق ريم بها، ليطمئن عليها كما أعتاد كل يوم سمع نحيبها فقلق عليها؛ أصر أن تسرد له ما حدث معها وبالفعل أنصت لحديثه فهو ركن الأمان لديها

سيف: أطمني يا ريم متضايقيش نفسك خليك قوية، وتعالى نرجع نعمل ذكريات سعيدة، وطول ما إحنا سوا و مع بعض مفيش حاجة هتزعنا وهنفضل في شهر بعض ي صديقتي.

ريم بتمسح دموعها: سيف أنت وحشتني، وحشنى هزارك و إنك بتستحملني في كل حالاتي ، إنك ديما بتسعى لراحتي أنا مش حد تانى، أنا عمرى ما هلاقى صاحب زيك؛ أقولك على سر يا سيف أنا بحبك قوي أكثر من اى حد أعرفه، خليك جمبى لحد ما أنام .

و بعد فتره قصيره جدا ذهبت ريم فى نوم عميق غير مدركه أن من الغد ستدخل معركة الحياة رغماً عنها، وبعد إنقضاء ليلة صعبة من المناقشة وإقناع تلك العنيدة

لتغير نفسها للأفضل، وبعد تعب تفكير الوالدين في كيف يخرجوا إبنتهم من تلك الدائرة التي أغلقوها عليها بإحكام منذ الصغر ، أتى صباح جديد ليشق في قلب كل منهم أمل جديد في تغيير إبنتهم ، فهما يأخذون أول خطواتهم بالذهاب إلي مصيف مع العائلة كي تحاول أن تكسر حاجز الخوف بداخلها.

أستيقظ الأب ليؤدي صلاة الفجر ويوقظ باقي أسرته

الأب: ريم قومي يلا الأتوبيس تحت مستني.

خرج ينتظرها بينما كانت تغير ملابسها وهم يُعدوا سندوتشات للطريق.

الأب: ريم اخرجي من اوضتك يلا .

ريم بنوم: حاضر يا بابا هاخذ شاور و اتوضى و اصلي و أنزل .

الأب: ماشي يا حبيبتي ربنا يصلح حالك

جلس مع والدتها يدعون لها بصلاح الحال ويتسامرون قليلا كما هما معتادون .

الأم: أنا خايفة على ريم قوى حالتها مطمئش .

الأب: سببي تكالك على الله، قوليلي بقي عملي سندوتشات البانية اللي بحبها؟

اصل دي لو مش موجودة مش رايح.

الأم: إن شاء الله خير، أكيد طبعا هو أنا أقدر أنسي؛ أنت دعيتي في الصلاة ولا نستني؟

الأب: أقدر أنساك يا حبيبتي دعيتك يطمئن قلبك عليها، فاكرا اتعرفت عليك ازاي؟ أخوك كان صحبي شوفتك من هنا، قولت بس دي اللي هتجوزها.

الأم ببسمة: دي حاجة تتنسى، فاكرا لما أحمد ضربك من كتر الغيرة عليا في الخطوبة .

الأب بغضب طفيف: متفكرنيش بقي، قومي شوفي البنت أتاخرت ليه، عايزين نمشي.

الأم بضحك على منظر زوجها: حاضر، ريم حبيبتى خلصتى؟

ريم بحزن: اه يا ماما خلاص قربت أخلص دقيقة وأكون جاهزة .

الأم: تمام يا قلب ماما ماتتأخريش مستنينك برا .

خرجت الأم تنتظر خروج ابنتها، بينما ريم وهي تأخذ حقيبتها بحزن واضح علي ملامحها من ذلك المشوار الغير محبب لها

يأتي لها شعور الفرح ليحاول معها

الفرح: دي تجربة جديدة يا ريم، أبعدى أي شعور سلبي عنك، وأسمعي بس كلامي أنا.

ريم وعلامات الخوف جلية على وجهها: بس أنا خايفة فعلا عمري ما جربت السفر لمصيف قبل كده، بابا كان دايمًا بيبقي مشغول ومش بيسمح ليا أو لماما بالسفر لوحدنا.

الفرح: يبقي نستغل الفرصة بقا ونفرح من قلبنا، سببي المشاعر الجيدة تعبر عن نفسها، بطلي تتدخلي، أكبر حاجز لسعادتك جواك إنت.

يأتي الخوف من خلفها وبنظرة متسائلة: هو أنت بجد هتسمعي كلام الفرح وتروحي المصيف؟

ريم بثقة: ايوه هروح وأستمتع بالرحلة .

الخوف: طيب بس خدي بالك دا مصيف يعني بحر والبحر يعني غرق وهو أنت مش خايفة؟

ريم بقلق: ايوه خايفة خايفة من كل حاجة من خروجي، ومن تعاملتي مع الناس اللي مجبرة عليه ومن، المصيف بس أعمل ايه؟

الخوف: قوليلهم إنك خايفة وماتخرجيش .

ريم وهي تتذكر كلام الفرحة لها: لا مش هقولهم حاجة وهروح أيوه، هروح أكسر الخوف الي عندي كفاية كدا بقي .

الفرحة: ما تسمعيش ليه يا ريم، وأتركي نفسك ليا، صدقيني مش هتندمي أبداً لما تجربي أجمل شعور، تستحقين السعادة كأى فتاة طيبة مثلك، لا تحرمي نفسك منها.

ريم: عندك حق يا فرحة انا مش هسمع كلامه، أنا حابه أخذ خطوة لأن خلاص تعبت من كل اللي بيحصل ده.

تذهب ريم الي الصلاة حيث تجد والدها ووالدتها بانتظارها فتخبرهم بشبه إبتسامة أنها جاهزة للانطلاق معهم الي المصيف .

الأم بإبتسامة لإبنتها: يلا بينا يا حبيبتى الباص مستنى براء، "رتبت علي كتف ابنتها ريم" متقلقيش إن شاءالله خير وهتغيرى جو هتبقى تجربة حلوة ليك؛ أنا معاك يا عيونى وبابا، ودول أهلك حاولى تتعاشى مع التجربة يا حبيبتى .

ريم بإبتسامة: أوعدك إنى أحاول عشان خاطرکم .

تجلس ريم في الباص وتتذكر كل تلك السنين التي عاشتها متفوقه علي نفسها داخل غرفتها فتستند برأسها علي شباك الباص متذكرة صديقها سيف .

ريم: يا تري أنت فين يا سيف أنا محتجك معايا دلوقتي أكثر من اي وقت تاني .

سيف: أنا معاك يا ريم وهفضل معاكى للنهائة، مش انا قولتلك متضايقيش نفسك

ومش عايز أشوفك تاني بالشكل، أنت بقيت بهتانه وفاقده الأمل ليه؟

ريم بحزن: انا مكنش عندي أمل قبل كدا يا سيف، كل حلم بحلمه بيدمر كل حاجة بتحصل معايا عكس ما أنا عايزة حتي أهلي يا سيف أهلي اللي فضلوا محاطيني زي الي حاطط أنتيكا في باترينا، جاين دلوقتي يقولولي إكسري الإزاز وأخرجي، أنا مش عايزة أخرج ف مكان، ليه مش عايزين يفهموا إني مبسوطة كدا، ليه عاوزين يخلوني حد غيري؟

أنا خايفة يا سيف مواجهة الحياة برا وحشه قوي، وأنا مش قدها والله .

سيف: إوعي أسمع منك الكلام دا تاني هو فعلاً الحياه أوقات كتير بتبقى وحشه بس أوقات تانية كتير بتبقى جميلة، لو إحنا شوفنها بعين راضية وحاولنا نصلح اللي أتدمر مش نستسلم، عايزك دايماً تقولي أنا قد كل حاجة والمواجهة بتريح جداً حتى لو كانت صعبة ي ريم هوني على نفسك .

ريم: رغم إني خايفة من المواجهة بس كلامك دا طمني شكراً ليك بجد علي وجودك معايا يا صديقي .

سيف بهزار: عارفة لو قلت كلمة شكراً دي تاني هقطع علاقتي بيك،

فكي كدا يا رورو وأنا معاك دايماً وفي ضهرك وأنا واثق إنك قدها .

ريم بإبتسامة: حاضر مش هقول حاجة تاني .

تنتبه ريم من شرودها علي صوت والدتها

الأم: ريم حبيبتي مالك سرحانة في ايه؟

ريم: ها لا مفيش يا ماما بس أفكرت حاجة كده ،المهم إحنا وصلنا لفين كده؟

الأم: لسه شوية يا عيونى لو تعبتى نامى شوية .

ريم: لا مش تعبانه ،بس في حاجة عايزة أسألك عليها ممكن .

الأم: أكيد يا حبيبتي أسأل .

ريم بحزن: ماما إمبراح وأنت بتتكلمي معايا قولتلي أنه لما نرجع من المصيف هتوديني لدكتور نفسي هو بجد هتعلمي كده؟

ظلت ريم تنظر لوالدها في خوف من أجابتها

الأم بثقة: أنا قولتلك كده علشان تتحركى وتخرجي، بس أنت مش محتاجة دكتور نفسي يا عيونى ولو أحتاجتى نروح متقلقيش وبعدين إنك تروحي لدكتور نفسي مش غلط ولا عيب بالعكس أنت بتساعدى نفسك .

ريم بفرحه: بجد يا مامتي مش هتوديني لدكتور؟

الأم بسعادة لفرحة ابنتها: لا يا قلب ماما بس توعدينى تحاولى تتأقلمى علشانك وعلشاننا .

ريم: حاضر ياماما اوعدك إني هحاول أتأقلم، بس مش عايزة أروح لدكاترة كل الي محتاجه هو دعمك أنت وبابا .

الأم بحب: أحنا معاك يا نور عيني عمرنا ما هنسيبك وهنفضل ديمآ بندعمك .

ريم بنظرة حب لو الدتها: وأنا كمان بحبكم قوي، وأسفة لو كنت بتضايقوا بتصرفاتي
دي بس والله كل اللي بيحصل ده غصب عني .

الأم: متقوليش كده يا نور عيني إنت عمرك ما نزعلك منك؛ إنت روحنا وبنتنا
وحبيبتنا ربنا يديمك لينا .

ريم بحب: ربنا يبارك لي فيكوا يا مامتي يا قمر .

إستمع الجميع الي صوت السائق وهو يخبرهم بأنهم وصلوا الي المكان المطلوب
نزلت ريم وأسررتها متجهين الي أحدي الشاليهات القريبة من الشاطئ حيث منظر
المياة الصافية يمتزج مع مشهد الغروب ليكونوا لوحة فنية من أبداع وأجمل
اللوحات التي أبدعها الخالق سبحانه وتعالى .

همس الحب في ذهنها قائلاً: شكل البحر شكله جميل قوي مش كده؟

اتمشي شوية بقالك كتير مخرجتيش، صدقيني أنت تستاهلي تعيشي حياة جميلة
زيك .

ريم: فعلاً المنظر هنا يجنن، هو أنا ازاي ما شوفتش الجانب الحلو من الرحلة
دي .

الحب: عشان مركزة في الوحش بس، عايزك تتاكدي زي ما في شرفيه خير

وأنت الخير ده وفيه ناس زيك كتير عيشي حياتك، يلا أنزلي البحر مستنيه ايه؟

ريم: مبعثش متأكدة من حاجة، كل حاجة دخلت في بعض؛ خايقة أكون الشر مش الخير، خايقة أخذ خطوة أندم عليها بعد كده، بس تعرف أنت عندك حق أنا لأزم أخذ خطوة، وأنزل البحر بس مش دلوقتي، حالياً تعبانه من السفر هروح أنام ولما أصحي يبقي أنزل .

ذهبت ريم في اتجاه الشالية حيث سبقها والديها الي هناك .

الأب: فينك يا ريم كنت بدور عليك؟

تعالى كلى معايا أنا عامل شوية فراخ على الفحم هتعجبك جداً .

ريم لوالدها: كنت بتمشي شوية ع الشط، لا يا بابا شكراً مليش نفس أنا محتاجة أنام شوية .

الأب ترك ما بيده من طعام، ونظف يده جيداً، وتقدم نحوها مسند يده على كتفها وسار نحو البحر معها وقال متسرسلًا: مال الجميل زعلان ليه؟ عشان زعقتك وادي راسك أبوسها حقك عليا.

ريم: لا يا بابا عمري ما ازعل منك مهما تزعل؛ بس أنا زعلانة لأنكم خايقين عليا وأنا مش عارفة أعملكم حاجة ولا حتى أعمل لنفسي، خايقة يا بابا خروجي ده يبوظ لكم الدنيا أكثر ما هيا، خايقة ما طلعتش قد ثقتكم فيا.

ريم بكاء: أنا خايفة أخسر يا بابا، خايفة جداً .

الأب: أقدي الأول عشان نعرف نتكلم، إنت لو عندك قطة حلوة بس ما أكلها قليل هتعملي ايه؟ مش هتعالجها لحد ما تبقي كويسة، إنتِ قطننا بقي يا ستي، نسيبك تعبانة يعني جايز شايقة ده تحكم مننا بس ده حب، بنحك فخايفين عليك منك، فهمانى يا قطني، والخوف والخسارة وارد يحصلوا بس دي مش نهاية العالم خليك قوية .

ريم بابتسامة: فهماك يا بابا عشان كده أنا كمان بدأت أحاول معاكم إنى أواجه وأجرب، حتى لو خسرت كفاية إنى حاولت .

ضمها إليه بحب وقبل رأسها: أنا مليش غيرك، ونفسي تبقي أحسن منى أنا شخصياً، أجمدي كده بس وهتبقي زي الفل، شوية صبر معانا، يلا نقوم ناكل مش عايزة تاكلي من أيدي ولا ايه هبهرك .

قاموا عائدين للشاليه راضين النفس، جلسوا معا جميعا يتناولون الطعام، إنتابتها الريبة قليلا لكنها شعرت بأحاساس غريب لاتعرف مسماه لكنها فرحه بوجودها معهم.

الأم بضحك: قفشتكم بتعملو ايه؟

الأب وهو يضع يده على كتف ابنته مازحا : بقولها كلمة سر، مش هنعرفك .

نظر لابنته وغمز، متقولهاش حاجة.

ريم بإبتسامه : حاضر يا حبيبي .

الام ببعضه غيظ: بقا كدا ماشى خلى بنتك تنفك .

ثم نظرت لريم موجهه حديثها

حكك برص يا ريم ده حبيبي أنا وبعدين خلاص اصلا مش هتفرق .

الأب جذبها من يدها: خدي بس أنت لسه بتغيري؟ أعملي كوباتين شاي، وبيبيسي

للعسل اللي جنبى دي، هنتمشي شوية بعيد عن الدوشة.

الأم بحزن مصتنع: لو سمحت ملكش دعوة بيا أنت بتحب بنتك بس .

الأب: وبحبك أنت كمان أبسطي يا ستي .

ريم بضحك علي غيرة والدتها: أنا مقدره أنه حبيبك، بس أعمل ايه بقي بحبه أنا
كمان ياست ماما .

الأم بحب: ربنا يديمكم ليا يا أغلى وأحلي حاجة عندي بس بردو مخاصمة بباك .
الأب بحب: وأنا مقدرش علي خصامك يا جميل وعشان أثبت حسن نيتي يلا نخرج
نتمشي شوية .

الأم بسعادة: خلاص عفونا عنك يلا انت جاهزة .

ريم شعرت بالسعادة لهزار والديها، والحب الظاهر عليهم رغم كل تلك السنين التي
مرت علي زواجهم لكنها حقا فخورة بهم، ومن تلك اللحظة أقسمت بداخلها أنها
ستحاول بكل جهدها لتتغير من أجل تلك الأسرة الحنونة .

خرجوا معا لأول مرة كعائلة سعيدة، أخذو يتنزهون هنا وهناك حتي حل المساء
وجاء منتصف الليل، استقروا على الجلوس أمام البحر بالقرب من الشاليه فأتي
بقية العائلة وجلسوا معا، كان يوما سعيدا للجميع بعد إنقضاء اليوم ذهب الجميع
الي النوم، قامت ريم بتوديع أهلها وذهبت الي النوم ظننا منها أنها وبعد هذا اليوم
ستتركها أحاسيسها تفعل ما تريد ولكن خاب ظنها عندما تسلمت لها تلك المشاعر
السلبية مرة أخرى.

الخوف: شايفك مبسوطة يعني وكأن اللي بيحصل ده عادي !

ريم بتعجب: وليه ما يكونش عادي وفيها ايه لما أضحك .

الخوف: يعني مش خايفة من التغيير ده بيوظلك حياتك ويدخلك ناس تأذيك؟

الحزن: إنت فرحانة ليه؟ كل اللي جاي وحش لأزم تزعلي عيطي إنقهرني الحياة مش أحسن حاجة ليه فرحانة يعني؟ فكرك الفرحة هتدوم يعني، عمرها ما هتدوم، وبكرا تقولي حزن قالك.

ريم بعتاب وحزن: أنت عايز مني ايه أنت كمان؟ أنا مبقتش قادرة علي كل الزعل ده خلاص تعبت سببي في حالي .

صرخ بأعلي صوته: لا مش هسيبك بفوقك .

ريم بتهكم: هه أنت كده بتفوقني ولا بتدمرني .

جاء صوت الغضب: سببها بكرا تفوق ندمانة، لسه فاكره إنك هتخرجي من دايرة الحزن؟

ريم بضحكة إستهتار: أهلا أنت كمان شرفت، أنت عايز مني ايه؟ ها عايزين أموت أهلي ولا أموت نفسي؟ ولا عايزين أفضل ازعق لهم طول الوقت مش كفاية بقي مش كفاية؛ زعيق وحزن وخوف مش كفاية تردد، كفاية بقي كفاية أنا تعبت منكم تعبت .

ريم بخوف وهي تحضن والدتها: أنا خائفة قوي يا ماما ممكن تفضلي جمبي لحد ما أنام .

الأم بقلق: أنا جنبك متخفيش أهدى "ربتت على ظهرها بحنان" أهدى يا حبيبة قلب ماما، أنا هبات معاك .

ريم وهي تحضن والدتها بقوة: أنا بحبك قوي يا ماما .

الأم وهي تقبل رأسها: وأنا بعشقتك يا قلب ماما .

ظلت الأم تردد آيات القرآن الكريم حتي هدأت ريم في حضن والدتها ودخلت في سبات عميق لأول مرة تشعر بالراحة في نومها منذ زمن طويل، نامت علي صوت والدتها علي أمل أن يُشرق صباح جديد يمحو معه كل تلك الألم والعزلة المتراكمة داخل أعماقها.

في الصباح

قصت الأم ماحدث علي الأب: ريم كانت منهارة إمبراح، وبتقول أبعو عنى وكأنها بتكلم حد؛ قعدت تعيط كتير وترتجف حضنتها وقعدت أقرأ قرآن لحد ما نامت، أنا قلقانة عليها قوي .

الأب محاولا تهدئتها: متخافيش إن شاء الله خير بنتك قوية.

لكن قلق الأب على ابنته شئ فطري، فجلس يفكر ماذا يفعل يا تري؟ وحينها قرر الذهاب لأبنته والتحدث معها ليطمئن عليها أكثر ويطمئن قلبها قليلا، دخل الأب غرفة ابنته كانت تجلس على الكرسي تحرق بالحائط كأنها تنتظر أن يجيبها أو يتكلم فأقرب منها ووكزها ف رأسها بمزاج: اللي واخذ عقلك مالك يا حبيبي؟

ريم وهي منهارة: حاجات كثير يا بابا و للأسف مفيش حاجة منهم حلوة .

تهد بيأس ونظر لواجهها مبتسم بزيف: أحكي لي ايه هما، هساعذك متقلقيش وهتفهم كل كلمة هتقولها.

صمتت ريم لدقائق ثم تحدثت قائلة: صعب صعب قوي يا بابا، أحساسي مش قادرة أوصفه، كأني محبوسة في أوضة مفيش منها مفر .

ولم تتمالك نفسها وفرت الدموع من عينيها كالشلال، ضمها ورتب على كتفها يواسيها وكاد أن يبكي على حالها الميؤس منه

الأب: متخليش الحزن يسيطر عليك، ينسيك كل حاجة حلوة حواليك، عارفة يا ريم يوم ما عرفت إنك جيتي للدنيا كنت أسعد مخلوق ف الدنيا، قبلها كانت حياتي فوضاوية جيتي إنت نوريتها .

سكت قليلا ثم أكمل حديثه: ساعات بنحس ان خلاص كل حاجة إنتهت بس لو بصينا كويس هنلاقي إن دي بداية جديدة ليا وأنا أقويا .

أنهي كلماته بقبله على جبينها ومسح دموعها ودعاها للفتار سويا

أماءة موافقة وخرجا معا يتناولن الفطور

وبعدما إنتهوا جلس الجميع يتسامرون، ووجهت والدتها حديثها لأبيها

صحيح يا محمود فرح هادي جارنا النهاردة؛ حاول تيجي بدري عشان نروح .

تبسم وأجابها: إن شاء الله ي حبيبتي هاجي بدري .

ثم وجهه نظره الي ريم وسألها

ايه ريم رأيك تيجي معانا الفرح اهو تغيري جو شوية .

ريم: آسفه يا بابا مش هقدر المرة دي .

حاول جعلها توافق وأخذ يشجعها: يابنتي اسمعي الكلام هتتسطي شوية .

قالتها برفض تام: أرجوك يا بابا ماتضغش عليا كفاية عليا المصيف الأسبوع

ده .

الأم وهي تنظر إلي زوجها: خلاص يا محمود سيبها براحتها النهاردة .

هز الأب رأسه موافقاً ونظر لريم: خلاص يا ريمو براحتك .

وعندما انقضي النهار ذهبت الأسرة الي الفرح وتركوا ريم بمفردها في المنزل؛

كانت ريم تجلس وحدها حتي حدث انقطاع مفاجئ للكهرباء .

ريم بتتأفف: هو ده وقت النور يقطع فيه لسة هقوم أدور علي كشاف مش قايمة كفاية فلاش الفون .

جلست تكمل رواياتها التي بدأت فيها منذ قليل لكن إنتبهت لصوت يصدر بالمنزل .

تنحج الخوف لتعرف أنه جاء: احم احم .

ريم: أهلاً هو أنت.

الخوف: لأ على فكرة مش أنا، بس حبيت أقولك يعني أن في صوت برا .

ريم بالامبالاة: ايوه أنا سمعت .

الخوف تعجب من أمرها: ايه ده سمعت وما تحركتيش عادي كده !

ريم: ايوه عادي فيها ايه .

أصر على جعلها تخاف: لا لا يا ريم المفروض تخافي يعني ده ممكن يكون حرامي مثلاً .

ريم: لا أنا مش خايفة ولا عايزة أخاف ممكن تبعد بقي .

سمعت صوت يأت من حيث لاتدري كان الغضب يتحدث بصوت هامس في أذنها

خليها تخرج، أخرجي برا خوفك شوية مزهقتيش.

قلق الخوف لدعم الغضب لها: لا لا يا ريم ما تسمعيش كلامه .

ريم: لا هو المرة دي عنده حق احنا لازم أبطل خوف من اللحظة دي .

أخذ الغضب يشجعها على غير عادته: سيبك منه ده ضعيف، أخرجي هيكون مين يعني يا باباك يا مامتك، أخرجي يا ريم دي فرصتك عشان تتخطي خوفك.

سمعت صوت أحب الناس إليها سيف: أطلعي يا رورو متخافيش أكيد مش هتبقى حاجة كبيرة واجهي مخاوفك يلا .

الغضب: أخرجي تغلبي على خوفك وريني هتعملها ازاي .

ريم بخوف: لا أنا خايقة وقلقاتة ومضطربة سيف خليك معايا متسبنيش .

طمئنها وقال: قولتلك متخافيش أنا معاك يلا اطلعي وأسمعي كلامي .

أطاعت ما قاله وخرجت، ذاهبة باتجاه الصوت لتري قطتها في الظلام أوقعت شيء ما أخذت تصرخ في فزع عندما ركضت القطة من جانبها.

ريم بفزع: سيبيبيبيف الحقني .

سيف: ريم ريم إهدي إهدي أرجوكي دي مجرد قطة مفيش حاجه متخافيش، شوفتي أهو النور جه كمان متخافيش بقي .

ريم ببعض الهدوء: خلاص يا سيف خلاص هديت أنا بس أتخضيت من القطة .

سيف: الحمد لله، دلوقتي أنا عايز أقولك على حاجة مهمه جدا.

ريم بأهتمام : قول سمعك .

سيف: دلوقتي أهم خطوة في حياتك إنك تتغلبى على كل مخاوفك عشان تقدرى تعيشي يا ريم .

ريم: سيف مش هقدر حاولت كتير والله بس كل مره بفشل، مظنش إن أنا ممكن أنجح فى يوم من الأيام إني اتغلب عليهم .

سيف: لا قولتك كذا مرة متخافيش من حاجة، طبيعي إنك لما تيجي تواجهي مخاوفك يا إما تفشلي يا إما تنجحي؛ ونجاح أي حاجة عمره ما بيبجي من أول مرة كملى ومتخافيش .

الغضب ثار عليها، كيف لها أن تكون بهذا الضعف: هتفضلي فاشلة طول ما انت مش بتحاولي، مستتية ايه عمرك يعدي وأنت لسه ف اوضتك.

الخوف: ريم أوعى تسمعي كلامهم خليك كده إحنا كده أحسن.

سيف صرخ في وجهه الخوف غاضبا: انت بتقول ايه، ايه الكلام ده أنت تسكت خالص إحنا بنحاول مليون مرة مش مرة ولا مرتين وأنا متأكد إنها هتنجح ولو مش المرة الجاية هتبقى اللي بعدها .

كان الصمت من نصيب الغضب وظل ينظر له بستهزاء وسخرية ثم قال له وهو
يرحل مبتعد: وأحنا مستنين النتيجة سلام.

سيف بجدية: متخافش النتيجة هتظهر قريب بس مش هتعجب واحد فيكم.

الحزن: بطل بقى تعشمها بحاجات عمرها ما هتحصل، متديهاش أمل كبير و بعد
كده تأخده منها.

سيف: بطلوا باقى تسيطروا عليها أنتوا مبسوطين و هى بالشكل؟ أنتو مش
شايفين شكلها بقى عامل ازاي ريم بتموت بالبطئ.

الخوف مبرر لأفعالهم: إحنا خايفين من البشر يا سيف الناس مش هترحم ريم لو
خرجت هى مش شبهم.

ريم برجاء لجعلهم يصمتوا جميعا: سيف أرجوك كفاية، أنا تعبانه والله مش قادرة
كفاية .

سيف بغضب: إنت ايه يا شيخه عاجبك شكلك ده يعنى ، إنت ليه بالضعف ده؟ انا
زهقت و أهلك زهقوا منك حتى إنت زهقت من نفسك ، ريم ياما تتغيرى ياما مش
هتشوفى وشى تانى .

ريم بصراخ: أعمل ليكوا ايه بقى، أنا إنسانه و تعبت؛ تعبت منكم و من نفسى يا
تقدروا ده يا هسيبكم و أمشى أقسم بالله بطلوا بقى.

سيف بندم : ريم أنا آسف إنى أتعصبت عليك، أنا خايف عليك .

ريم و هي بتمسح دموعها: خلاص يا سيف بس أرجوك متتعصبش عليا تانى .

سيف بإبتسامة جميلة: حاضر يا قمر.

الخوف متسأل: أنت هتخرجى للعالم بجد؟ هتقدرى تواجهى كل ده، دول ناس وحشين .

سيف: ربنا خلق البشر أنواع فى الطيب وفى الشرير فى القاسى وفى الحنين، مش هتقدرى تحكى على حد غير لما تتعاملى معاه جربى يا ريم أتغلبى على كل ده، وأنتم ماتحاولوش ترجعوها عن قرارها .

الحنن بيأس: هنفصل لأمتي كده تحاول وتفشل وتحاول وتفشل .

نظرت لسيف تسأله وترجو سماع إجابة تريح قلبها: لحد أمتي يا سيف؟

سيف: لحد آخر العمر يا ريم أنت تستاهلى كل حاجة حلوة، متدمريش حياتك بسبب طاقة المشاعر السلبية .

الغضب: لحد أمتي هتحاول وتفشل هي ضعيفة ولازم تعترف بده .

صرخت وهي تتألم من صميم قلبها: كفاية بقا كفايبيبة أنا تعبت بس، أنا مش ضعيفة ومش هسمح لحد يتحكم فيا تانى هخرجكم كلكم من دماغى أبعدو بقااااا أخرجو من حياتى .

سيف بتشجيع: ايوا يا ريم حاولى خريجهم إنتصرى عليهم أنت قوية .

تجاهلت ريم كل ذلك و أتجهت إلى المرحاض لتتوضئ؛ قامت بفرش سجادة الصلاة لتتجه إلى الله وتتحدث إليه: يارب أنا جياك وأنا كلى حزن، يارب أنا فى ضلمة نورها، يارب انت عالم بيا وبوجعى وبكل المشاعر دى متسبنيش أرجع لحزنى تانى .

ظلت تتحدث إلى الله إلى وتناجيه أن هدأت: الحمد لله عمرى يا جيت لىك يا رب إلا و مشيت و أنا مطمئنه.

بدأت مشاعر الإيجابية تظهر داخل ريم أتت السعادة مهلة فرحة واخيراً مش هيبقا فى حزن تانى خلى كده ديما يا ريم، تراقص قلبها من شدة فرحه وأنتصاره على كل تلك الأصوات و إنها استطاعت تجاهلها لأول مرة، لم تكن مصدقة أن جميع المشاعر السلبية رحلت عنها وأخيراً مبقنتش أسمع أصوات تانى، وأخيراً هرتاح من كل الخناق ده.

وهنا بدأت تتذكر أشياء جميلة كامقابلتها لسيف وكيف أحبته .

فلاش باك..

كانت صدفة جميلة جمعني به، سيف زميلي بالكلية تعرفت عليه هناك، بداية حديثنا كان بسبب أن بيننا مشروع يجب أن نقوم به معا وبعض زملائنا، كنت متحفظة جدا معهم جميعا ما عدا البنات طبعاً، وشخصيتي ب طبيعتها انطوائية فكانوا ينفرون مني سريعاً يملون من المحاولة، وجاء وقت انتهاء المشروع وسلمناه للدكتور المادة؛ بدأ يلقي على التحية بين الحين والآخر، وأحياناً يسألني عن احتياجاتي وما ينقصني كدراسة مع الوقت ألفتة وشعرت بأنه أصبح جزء مني، أحب التحدث معه والنظر اليه، كنا أصدقاء لا أكثر، لكن تصرفاته كانت توحى عكس ذلك لم يعترف اي منا بشيء لآخر، وذات يوم كنت أبكي بسبب نهر أبي لي كوني وحيدة ومغلقة بعيداً عن الحياة، جلس أمامي واخذ يواسيني كان خائف على حقا لا يكذب وحينها أعترف بحبه لي، أمسك يدي وقال بصوت حنون ريم أنا بحبك، ومش شايف حياتي كاملة من غيرك، مكسوفة عشان ماسك إيدك؟ خلاص سبتها قولت ايه؟

لم أستطع نطق كلمة من كثرة خجلي، نظرت في الأرض وقلت بصوت هامس

وأنا كمان بحبك، بس أوعدني مش هتسبني أبداً.

عاد للخلف وتبسم أجمل إبتسامة قد تراها عينيك

وعد مني إني مش هسيبك؛ هفضل معاك لآخر العمر.

ولكن للأقدر رأيي آخر لم نمضي طويلا معا، وتركني بعد ستة أشهر قال إني مملة ومضجرة، وأنه لن يتحملني أحد، فعدت لوحدي أحمل حزن قلبي معي؛
 لكن لم أتركه فقط أخذت كل شيء جميل منه معي كي يساعدني ف محنتي ويذكرني به، وها أنا اليوم أحدثه كل يوم ويجيبني بل ويدعمني كأنه بجانبني حقا أعلم إني قد اكون مجنونة لكن لا حل لدي غيره.
 باك..

ظلت ريم تتذكر سيف وما حدث لهم سويا حتى قالت لنفسها " بس هو كان عنده حق يتخلي عنك بكل المشاكل الي عندك دي."
 فغضبت منه وأكملت

لا هو معندوش حق، أنا مش مملة؛ أنا بس كنت محتاجة وقت، محتاجة الي يدلني علي الطريق ويعرفني ازاى أخرج من كل العتمة الي جوايا، يارب يارب ساعدني مابقتش قادرة أتحمل كل ده، مشاعر بتتحكم فيا ل ٢٢ سنة كلها خوف وحزن ويأس، غضب حيرة، تردد، يارب أنا مش عارفة أعيش حياتي في كل التوهه دي .
 صمتت لثواني ثم سألت نفسها ببكاء

ليه كل دا بيحصلي ليه أنا ليه؟

أجابها صوت سيف: أنت بتعطي ليه؟ انا جنبك ما تعيطش .

ريم وهي تنظر لسيف بتمعن: أنت معايا طيب ازاي؟! !

سيف: ايوه ياريم معاك في كل وقت وكل مكان، أنا حاربت معاك مشاعرك السلبية .

غضبت وصرخت عليه: أنت كذاب يا سيف كذااااب .

سيف بغضب: لا أنا مش كذاب أنت بتتكري الجميل دلوقتي .

ريم: لا يا سيف أنا كنت غيبه وغلط من الأول ، أيوه أنا غلط أنا اللب عملتك يا

سيف أنت فاهم .

سيف بعصبية: أسكت بقي أسكت .

ريم بعند وبصوت عال: لا مش هسكت أنت مجرد كذبة عملتها وصدقته عشان

أوهم نفسي إن في حد معايا .

سيف ببكاء: أسكت بقي أسكت .

ظلت تصرخ به وهي غاضبة، تخرج كل ما بجوفها تجاهه: أنا ازاي كنت غبية

للدرجة دي، ازاي أدخل حياتي واحد خاين زيك ، ازاي أخليك بطل بعد ما وجعتني

وسبتني ومشيت وقولت عليا إني مملّة، وليه ما اخدتش بالي من الأبطال؛ الحقيقيين

أيوة بابا وماما هما الي أبطال فعلاً هما الي ساعدوني أتغير مش أنت ياسيف .

صاح بها يصرخ: يعني عايزة تفهميني إن باباك ومامتك الي حبسينك ف البيت من يوم ما أتولدتى بحجة أنهم خايفين عليك هما اللي ساعدوك؟ عايزة تفهميني إن الناس الي سبب في كل الدمار الي أنت فيه ده هما اللي ساعدوك يا ريم؟
مستحيل يا ريم مستحيل الي بيسم حد مش بيعالجه .

ريم بعصبية: لأ هما حبسوني لأنهم خايفين عليا فعلاً ما يعرفوش أنه غلط، ولو هما غلطوا فأنا مشاركتهم الغلط لما وافقت أفضل في عزلتي دي إنما أنت ايه؟ مجرد وهم عايشة بيه شخص بيحاول يساعدي، بس في الآخر أكتشفت إن أنا اللي بساعد نفسي مش أنت أطلع بقي من حياتي يا سيف أطلع بقولك .

سيف بيأس: هطلع ياريم هطلع .

أختفي سيف كأنه شبح وجلست ريم تبكي عما حدث ، تبكي علي أعوام تركت نفسها لمشاعرها السلبية المتشائمة تتحكم فيها وتسيطر عليها يدور في رأسها شريط ذكريات أسود، تتذكر محاولات أهلها معاها للخروج من هذا القمقم ،تتذكر صديقها سيف الذي صنعه من نسج خيالها والذي أختفي بمجرد أن طلبت منه ،قامت ريم من جلوسها ومسحت دموعها ولكن هذه المرة قررت في نفسها بأنها لن تستسلم أبدا لمشاعرها لن تجعل خيالاتها تتحكم بها بل ستتحكم هي في كل شئ ،ستقود كل شئ لتصل لما تريد ، لا وجود للخيال من بعد اليوم؛ بل ما سيوجد هو حياة واقعية كباقي حياة البشر، و لكنها قبل كل ذلك سوف تفعل شئ كان يجب فعله منذ زمن

انا لازم اعوض بابا و ماما عن التعب ال شافوه، لازم اثبت ليهم اني فعلا خلاص
هتغير بجد، بس تعلمي ايه يا ريم، هتعلمي ايه، اه بس انا عرفت هعمل ايه .

بعد مرور ساعة و نص، إنتهت ريم من تحضير كل شئ.

ريم بتعب: باس كده أنا خلصت أطلع اغير بقى عشان هما على وصول.

كانا قد وصلا أمام المنزل، فوجدا المنزل معتم تمام، فشعرت الأم بقلق

على إبنتها: محمود هو البيت نوره مطفى كله ليه؟

تعجب الأب لكنه أخذها وتقدما مسرعين لرؤية ما الأمر: معرفش والله تعالى
نشوف .

مجرد ما أن وضعوا أقدامهم داخل الفيلا، نور البيت كله أضاء؛ البيت كان متزين
بورد كثير و دائرة مكتوب عليها

" لم يعشق القلب سواكم مهما طال الزمن حبكم سبخل فله وربكم "

بكت وهي فرحة فوكزت زوجها محمود: محمود تفتكر هي؟

الاب أجابها سريعا وهو سعيد: هي هي يا حبيبتي ريم رجعت تاني لينا .

سمعت خطوات تأت من خلفها، فنظرن لتجد حوريتها الجميلة تنزل من على الدرج
بخطوات بطيئة كالملكات: محمود بص وراك كده .

كانت حقا جميلة، لم يراها بهذا الشكل ولا لعينها لمعة وسعيدة هكذا، كانت ترتدي
فستان وردي اللون وشعرها مسدل على كتفها، إحتضنها بحب
الاب: ريم ملاكي الصغير أنت اللي عملت ده كله؟

ريم بخجل: ايوه يا بابا، أنا خلاص هخرج وأتمتع بحياتي مش هسيب افكارى
تتحكم فيا؛ بابا أنا أول مرة أحس إنى عايشة أنا بحبكوا قوي يا بابا .

قبل رأسها ويدها: روح قلب أبوك من جوه ، صدقيني مش هتندمي يا نور عيني .
الأم مازحه لتخفف الأجواء: عارفة يا ريم أنا لو كنت أعرف إن بعد الفرح هتتغيرى
كده كنت قولت ليهم يقدموا الفرح.

ضحك الأب وضمها و تجمعوا جميعا فى حضن الأمان الخاص بهم الحصن المنيع
الاب .

ريم بداخلها : أنا بجد محظوظة إنكم فى حياتى، أستنوا والله لسه هتغير أكثر عشان
أشوف كل يوم نظرة الفرحة ال فى عينكم دي، مهما سيطر الحزن عليكى يا

عزيزتى ستهضين مجدداً، لكن بشخصية أفضل و حياة أمتع، عزيزتى صاحبة القلب البرئ تمنى لكى الحياة السعيدة ابد الدهر.

تجمعت العائلة لأول مرة منذ سنوات يتحدثون ويمزحون معا، جلست ريم بجانبهم تنظر لهم بحب كأنه أول مرة تراهم بهذه الشكل، حاوطها أباهما بين يديه عابثاً بشعرها: ما تقومي تعملنا كيكة بالشيكولاته فاكرها؟ اللي ف مج دي.

تذكرتها فقامت بعدها، جمعت ما يلزمها ولكنها وقفت حائرة اهي بالسمن أم الزيت، ظلت تسأل نفسها لمدة دقائق ثم نادت على والدتها
ماما هي كانت بالزيت ولا السمنة؟

أتاها صوت والدتها تسخر منها: سمنة ايه هي فطير، بالزيت أجيلك؟
قالت بتذمر: لا يا ست الكل خليك هعملها انا .

تمت بصوت هامس: هي فطيرة مش هعملكم حاجة تاني .

بعد ساعة كانت قد إنتهت وأذن أذان العصر أيضا، فقام والدها ليأدو الصلاة وهي معهم، شعرت بشيء من الطمينة والسعادة، حدثت نفسها بعدما أنتهوا من الصلاة وجلسوا يدعون الله فالملائكة تقول آمين لكل دعوة في هذا الوقت يارب وفقني في حياتي، وأبعد عني كل شر، يارب ما أرجعش لعمتي تاني، القرب منك جنة يارب ماتبعدينش عنك لو أذنبت في يوم .

ظلت هكذا حتى بعد إنتهاء والديها، جلسوا بجوارها يتأملوها وهي رافعة يدها لله تدعوه في صمت، لايعلمان ماذا تطلب من الله لكنهم على يقين أنها لا تريد العودة لما كانت فيه، رتب والدها على كتفها ليذكرها أن تنتهي .
وبالفعل قامت وجلبت لهم الكعك الذي أعدته بكل حب، نظرت لها والدتها متعجبة مازحة: أنت اللي عمله، لا لا ده شيف أكيد .
أردف أباهم مؤكداً: لا أنا بنتي شاطرة جداً لعلمك .

ضحكت على حديثهم وبدأت تتحدث معهم، ودون أن يشعروا بالوقت مر سريعا وجاء منتصف الليل كل منهم ذهب للنوم .

ظلوا هكذا لأشهر سعادة دائمة، ليست جديدهم عليهم لكن إكتملت بوجود إبنتهم معهم، أصبحت تذهب للكلية ولديها صديقة يارا تعرفت عليها أثناء محاضرة المحاسبة، كانت تريد المرور لتجلس فاقوع منها الهاتف، أخذت يارا من الأرض وجعلتها تمر ثم أعطتها الهاتف وبدأ الحديث بينهم -أفضلي يا جميلة الحمدالله ما حصلوش حاجة .

تبسمت ودون تحدث أخذت منها الهاتف لتتظر أمامها كأن بجوارها شبح لاتراه فقطعت صمتها يارا بسؤالها = أنا يارا محمد، وأنت إسمك ايه؟ أجابت سؤالها وهي تفكر هل يصبحوا أصدقاء أم لا - أسمى ريم محمود، أتشرفت ببيك .

لتعود تتظر أمامها، فقالت لها مازحة

= انت ربوت يا ريم، أتكلمي معايا كده ايه الصمت ده .

ومن هنا كان بداية حديثهم معاً، عرف كل منهم كل شيء عن الآخر وأصبحت كأختين لأصدقاء فقط .

كانت بحاجة لمن يصادقها ويثبت لها أن الواقع ليس مرير طوال الوقت، عادت للمنزل مبتسمة وهي تتحدث مع يارا على الهاتف

أنا خلاص روحت هغير وأكلمك، أو أقولك تعالى أقعدي معايا هيجبوك قوي .

أنتهت من المكالمة متفقة معها أن تأت لتجلس معها ووافقت بالفعل، كانت والدتها واقفة تنظر لها بحب وهي تحدث نفسها معقول صاحبت، الحمد لله يارب .

فنادتها بود: ريم بتكلم مين ومبسوطة كده؟ قولي أنا ماما .

ضحكت ثم أراها صورهم معا كطفلة فرحة: دي يارا صحبتي، بصي صورنا مع بعض حلوة مش كده؟

تأملت والدتها منتظرة ردا منها، فقالت بحب وهي تمدح إبنتها: أكيد جميلة مش بنتي ف الصورة .

كانت تبتسم طوال الوقت، مضي اليوم وفات ساعتين أتت يارا تطرق الباب ففتحت لها والدت ريم: يارا أدخلي يا حبيبتي متسكفيش .

تعجبت يارا كونها عرفتها كيف ولم تراها؟ فسألته: هي ريم هحيكتك عني؟

أشارت لها بالجلوس بينما تجيب سؤالها: وورتي صورك كمان زي القمر ربنا يحفظكم لبعض يا بنتي.

تحدثنا قليلا ثم تركتها لتنادي ريم فطلبت منها أن تجعلها تدخل غرفتها، قامت يارا بخجل تخطوا خطواتها، طرقت الباب لتجد صوت ريم يصرخ مازحا بتخبطي ليه أنت غريبة خش يا عزمي .

دخلت وجلسا معا وأثناء حديثهم معا نظرت يارا لغرفة ريم ثم قالت: ما تغيري اوضتك، غيري لونها، نظامها جدي .

ترددت ريم قليلا ثم تذكرت لا مكان للمشاعر السلبية في حياتي، عندك حق نخليه لون ايه؟

أجابتها يارا وهي تقذفها بالواسادة: وأنا مالي يالمبي، أختاري أكثر لو بتحببيه مثلا بينك أو اي لون تاني .

أبعدت الوسادة عنها ولمعت برأسها فكرة فقالت وهي تركض لتجلب ورق وقلم هنجير لون الأوض لبينك وببيي بلو، وأجيب مكتبة متوسطة، وأركب مروحة عشان بسلق في الحر بس كده .

حدقت بها يارا: ايه ده؟ !

تبسمت وهي تجيبها: الحاجات اللي عملها .

رتبت على كتفها وهي تمزح: بنتنا كبرت بقت تفكر وتخطط .

جلسا معا لساعات ثم ذهبت كان الوقت ما يقارب الساعة مساءً، فخرجت لأبيها تزف له هذا الخبر .

فرح كثيراً وساعدها هو ووالدتها بتغير غرفتها، أصبحت جديدة وجميلة كحياتها

التي تحسنت تماما، خاصة بعدما تخرجت بعد سنوات وعملت مهندسة معمارية ناجحة، وأوشكت على أن تبني بيت وتكون أسرة مع زميلها المهندس عمار حين قال لها ذات يوم أحبك، لم تصدق أذنها وأصابها الخوف قليلا هل حبه صادق أم سيكون مثله، قاطع تفكيرها وهو يقول
صدقيني أديني فرصة بس أثبتك حبي .

لم تتحدث فقط أعطته أجابته بنظرة منها، وبعد عام من خطبتها ستتزوج عروس ويكون لديها أولاد يحبونها كما تحب والديها .

لم تكن بداية قصتها سعيدة لكن نهايتها كذلك ما أسعدها، كل شيء وارد تغييره للأفضل ما لم تتمسك بالماضي المحزن.

نهاية القصة مع تحيات فريق الفراشات 🦋🦋



قصة قصيرة

هواجس ريم

تحت إشراف أحمد شحلة

هواجس ريم

"ماذا لو تحدث ما بداخلنا وعبر عما
نشعر به ماذا لو كنا نستطيع البوح
بكل ما هو مكتوب بداخلنا"

مجموعة مؤلفين

سامره عبد المنعم	إيمان سمير
بسنت محروس	مرضوى حسن
هايدي جمال	تقى حمدي
سلمى السيد	ندا شريف

Design Sara Farag